

序

文莊公云世有千載不  
書無百年不濟之志蓋

才之生  
習尚詳

地制宜補

以揀契了斬疎  
登是

而興行則安土敦仁  
風嚮  
我可蒸成善俗其關係固

甚重斯修輯不究  
開缺松陽



隸處州占名最古其地近接  
三衛遠連江右雖山陬小邑  
實衝要區也咸豐間粵匪三  
犯郡垣皆自衢闖入松獨先  
當先厄罹害酷焉時鄉民糾  
合義團同仇敵愾忠魂毅魄  
更未宥任其湮沒不彰者同  
治庚午秋余奉

命守括越明年支君壽伯來  
任縣事余稔知其懷吏治才夙  
負能名曾歷權大邑皆溢々  
有聲茲與同舟共濟深為相



理得人矣初謁余為具道松之  
風土民情與支養教大端並  
以志書屬先務焉支君唯  
去蒞松後察形地方詢謀庶  
士則今謂是志之宜修而猶  
未能遽修也予學校在澹漫

將傾矣此立名支之基乎名祠  
宇葺治未完何以展昭禮之  
典他若聽政之庭明倫之地  
六風雨飄搖矣此皆亟宜營構  
也及今不圖後將事倍功半  
已支君逆志如衆議籌賞度



木工相繼告落乃從事於志  
書與校官博士分任編摩所  
革所因或筆或削均手自  
釐定迄兩年而稿脫潤序於  
余之謂修志之難流弊有三  
採錄不根乎病也善摘艷稿

華其病也靡諱託徇私其病  
也穢茲覽是書例言知體裁  
悉本先民而正於人物不妄登  
名賢之目甯嚴無濫于藝文  
則專收掌故之內甯隘無侈  
至忠孝節烈則為大書姓民



甯詳無漏官績武功必孚輿  
論公評甯賢無誇其足以信  
今傳後詎待余贊詞乎哉友  
尹現已報政三年事 大忠量  
移繁系地為遷將有日矣余提  
身以寵生之行今為其志之

成願以治松者治劇邑焉異  
日事功彪炳勲業爛然上與  
史冊相輝映將千載名垂不  
朽固不僅一邦之文豈修職  
為之聲其庶蘊云爾是為叙  
光緒元年乙亥春仲月



欽加三品銜知慶州府事加三級紀錄二次元和潘紹詒撰





重修松陽縣志序

凡事歷久而不成者大抵畏難而不為者也松  
志之成於今日也豈無故哉辛未春余宰斯  
邑首以志乘為問蓋自乾隆戊子迄今百餘年  
未經修輯其間迭遭兵燹舊刻半付劫灰完冊  
無從覓購守缺抱殘將何以信今而傳後顧自  
下車以來諸廢未舉欲修不遑也厥後多方規畫  
文廟及祀典中之各祠宇或造或葺以次告竣

松陽縣志

序

兩學之衙齋本署之廳事又皆捐俸以倡濶荆  
榛而復舊制矣比歲豐收獄訟寢息適奉

憲檄以志事責成各屬徵文致獻此其時乎爰  
集諸紳耆商僉謂盛哉美舉洵吾邑之幸而其  
事抑有難焉者工費浩繁衆擎乃舉而有力之  
家非素有遠識輒以是為不急之務則集資難  
老成代謝案牘曠蕩非深得信以傳信疑以傳  
疑之旨片言憑臆流弊滋多則秉筆難前此請



邑庶欲為而不果者職是之故然則竟任其不成也可乎哉余乃開陳公義請勸樂輸稍有成數即行設局有不足仍隨時集腋以濟惟經費既絀重聘無資遠延名手曷云能來倘精其求精不且難而又難乎余不揣薄陋勉在局諸君子互相商榷分任編纂就其闕者補之續者增之今昔互異者分類添註之而於舊志之綱目規模未敢大有損益雖尚且簡率自知不多

但百年來故實遺闕亦稍完備矣是役也經營兩年甫得歲事假令知其難畏其難不復弱徒以為之則再閱百年三何自克觀厥成哉故幸其成而誌其難如此

光緒元年歲次乙亥春三月即補同知松陽縣知縣丹徒支恒椿撰





松陽縣志舊序

有一書而爲千秋之袞鉞數言而關百代之興衰者郡邑之志乘是也自春秋之義隱南董之筆絕尊月旦者成家言務標榜者爲一時尙烏足以定信芳而甄穢哉况人心與時升降世俗與道變遷又不可以意臧否上下古今也余蒞栢三載幸無過舉獲與十邑諸賢共事茲土靖烽壑而崇文岫一時治化文風咸率然丕變爰取十邑之書而攷核之可以興可以觀一時口碑千秋人鏡藉以鼓勵人心興起教化者端有是賴而烏可以旦夕緩因進諸令而亟商之松首慨然倡行之禮賢選能鳩工庀材自明松陽縣志

舊序

一

隆慶以迄於今闡幽發微窮山極谷靡不選取而揚挖之屹然爲一邑偉觀山川之未備者今較周悉制度之未全者今較詳密棠陰之遺愛品隲之流芳今較嚴於入而惜於出他如登臨之勝概擲地之藝藻俱較廣蒐而博拾之雖荒烟冷篆破礎頽垣均得於流覽醉心洞如指掌真古史之貽休也願蒞茲土者與居是邦者共守茲軌而倍厥修則于是書之後又不止今日之華袞與一時之芳薰已也

順治甲午知處州府事陽城王崇銘撰



松陽縣志舊序

政有似急而實不得不緩者今日之簿書與賦稅也  
政有似緩而實不容不急者今日之學校與聲名文  
教也徧天下皆然浙爲甚全浙皆然松尤甚卽如邑  
乘一書百制俱備儷典于國史今且自明之隆慶刊  
後八十餘載未有修復板帙殘闕已成故紙今

天子購書首先是問各臺蒞任必索以借憲綱俱進每進  
時持檄呼嗶寂無以應民間之素稱藏書者兵餘亦  
不能復得余慨然欲奮其事又承郡侯大人之命因  
投袂而進賢集事凡八閱月始竣工未備者登之踵

事者藻之未顯者暴而與衆膾炙之玷闕者瑱而瑩  
澤之山川雲物人倫治道以及蟲魚草木靡不瀦焉  
攷觀羣焉畢具于是舉也母負于諸大人之任使與  
材之緩所急而急所緩其有至不得已者存  
乎中政有先後若以余爲急者後而緩是圖心滋戚  
矣

順治甲午知松陽縣事佟慶年撰



松陽縣志舊序

古者外史掌四方邦國之志則志亦史類也顧史以  
昭千秋之袞鉞而志則樹一邑之風聲凡例較別司  
令者職兼風化而義取表彰舊典而續新編以期  
流芳久遠是誠良有司之亟宜先務矣處郡固浙東  
輿區纂脩爲急而松邑舊屬白龍古地密邇郡城之  
西偏一溪沿湖聲教猶爭先樂觀按其地崇山爲道  
商賈不通賴土膏之繡錯較饒九縣生其間者食舊  
德而服先疇秀鍾蜿蜒鬱積之竒諒不僅竹箭松杉  
足以當之後來居上定有備人矧際我

松陽縣志

舊序

國家觀文成化之時郡人士涵育薰陶蒸蒸日上進各  
憲蒞任維新卽取郡縣志乘以資納賈陳詩之採訪  
松雖小而徵文攷獻均待摩編余客冬因公戾止適  
縣令曹公稟呈所次纂補邑乘請序言以付剞劂余  
嘉公之知所先務竊幸其相與有成也憶自丙戌夏  
恭膺

簡命來守枯蒼甫下車卽以率屬奉公爲策勵數月中稔  
知公辦事精勤志圖向上曾經詳請幫辦青邑城工  
越明年公復請捐建大堂繼此循聲善政如平治道  
梁及捐修牌坊營廟之次第舉行者成迹昭然向已



斑斑可考邇來時豐政簡簿書之暇猶加意培風余  
披閱之下見夫山川風景節義文章向之天造地設  
火經論定者今仍舊貫其他時至事起因地制宜一  
切官秩賦役之乘除人文學校之鬱蒸與夫禮儀習  
尚之踵事增華以及橋渠寺觀戶口都庄或昔是而  
今非暨向無而僅有者悉皆若網在綱有條不紊至  
百餘年來其間孝子仁人義夫節婦猶爲風化攸關  
靡不搜羅罔闕以之發潛德而燭幽光使後來者知  
所趨向卽或科甲流風於今少歇而深山邃谷諒不  
乏窮經積學摘葩採藻之儒秋實春華亦都收採以

備

盛朝論秀書升之選列其目錄分門者十有二類謹嚴則  
倣班氏之藝文記序畧規史遷之列傳公之知所先  
務節節皆綱舉而目張直與省郡諸志備同攷核異  
日者

聖天子策命輶軒問俗浙東展此編也瞭如指掌知必有  
繪圖入

告犁然可登風俗之書者卽以斯志操左券焉可也余  
固樂得而爲之序

乾隆己丑正月知處州府事申州倉聖潢撰



重修松陽縣志舊序

邑之有志蓋仿周官土訓道訓遺意守土者各以其所親記筆之於書以志一方之籍以備輶軒之採昔朱文公蒞南康甫至輒問郡志君子謂其知所當務志不綦重矣哉松邑在括西上游羣峰聳翠盤礴嵯峨澗水縈紆迴旋環繞民多質樸俗尚節儉邑雖小悠然有淳厚之風然而平陂險塞之區變遷損益之故彰瘡旌別之義不一一有以志之司民牧者何以觀風悉隱而措之裕如乎余自下車以來披閱舊志率多漫漶殘缺梨棗所登已半似蠹鼠之腹矣蓋舊

志自順治甲午歲脩訂後迄今百有餘年未經修輯因思有志而聽其漫漶殘缺則與無志等矧

國家以道化成休養生息多歷年所今

天子軫念民瘼省方問俗東西兩浙疊被

恩施松雖藁爾僻在浙東然而山川之景色民物之繁庶視昔迥不相侔矣烏可斤斤焉執舊冊以求之歟余幸政有餘閑爰以脩志事商之學博胡公及邑中紳士僉踴躍稱善乃延聘錢塘孝廉潘公開局於縣署東偏廣徵見聞蒐討哀輯以舊志爲本而參諸府志及鄰邑志統之以綱繫之以目首紀輿地次詳賦役



稽學校之規制考建置之廢興至若採風俗之宜昭  
禮祀之典列官秩以紀其賢能序選舉以標其雋彥  
人物有志則獎勸備矣兵制有志則御禦嚴矣而且  
博採藝文蒐羅雜事共爲書十有二卷余以公餘之  
暇往復忝訂疑者校之外舛者正之凡向之漫漶殘缺  
者皆得而增新焉所謂志一方之籍以備輶軒之採  
區區之心於是乎在若云知所當務以效法前賢余  
則奚敢

乾隆三十三年歲次戊子拾壹月望日

知松陽縣事山左榆關曹立身撰



松陽縣志舊序

余籍隸錢塘習聞栝蒼諸山水之勝神遊其間者久矣然以地僻道迂未得一至而遊覽焉戊子歲松陽邑侯曹公郵緘來招遂欣然東裝竊幸夙願之可酬也甫至境見層巒疊嶂邃谷懸崖竹木森秀溪流奔瀑景趣幽曠目不暇接既至邑又見夫俗多澹樸不事華侈用以知民風之近古而賢邑侯之設施已可畧見矣及公接見握手之下歡若平生又時以其所作詩文來教春容大雅卓犖不羣讀其文復覘其行洵知公爲榆關名士才猷敏練有古循吏風政不第

以文辭之末馳騁乎翰墨間而已也既而公以重脩邑志事見屬余惟志史類也昔扶風易書爲志觀其藝文溝洫食貨諸篇典則詳贍莫可彷彿而後人猶以畧於事實詳於浮言譏之作志之難也如此是知人作一代之史必具有一代之識然後是非明而褒貶定作一代之志必萃一邑之觀然後疑信判而考訂詳余旣謫陋無文而松邑舊志又復漫漶已久乃欲於簡編蠹蝕之餘求品隲研核之當不綦難哉廼再三辭不獲已爰於志局中焚膏繼晷早夜孜孜惟恐忘已事之拙而又不取苟且云爾也於是本諸舊



志証諸府志且參之鄰邑志綜覈紛紜博徵聞見訂  
其舛誤增其遺軼事取其覈實者辭汰其繁複者每  
一稿就與公往復參互不厭精詳凡四閱月三易稿  
而書成展卷之下其山川勝境向之神遊目想者茲  
得備覽無遺焉而公殷殷之意且得於簿書期會間  
從容閒暇以潤色太平之盛事其才猷練達不益見  
於此哉至公之惠政循聲卓卓表見者口碑具在茲  
不復贅

乾隆叁拾叁年歲次戊子拾壹月中浣

錢塘潘茂才頓首拜序



松陽縣志纂修職名

督修

三品銜分巡浙江溫處海防兵備道方鼎銳

三品銜浙江處州府知府潘紹詒

主修

卽補同知松陽縣知縣支恒椿

協修

國子監典簿銜松陽縣教諭樊芝生

內閣中書銜松陽縣訓導周紹旦

卽選

知

縣饒慶霖

松陽縣志

職名

一

分修

丁鳳章 附貢

沈宗敘 附生

鄭芳蘭 職員

饒學鎔 訓導

洪芳 廩生

周作梅 監生

董理

松陽

縣

典

史黃廷燁

張文煜 訓導

潘煌 理問

葉萬亨 監生

葉茹荃 貢生

潘錫恩 職員

湯德峻 監生

葉佐清 教諭

葉蔭棠 增生

葉樹釗 職員

闕維翰 附生

葉永菁 附貢

朱益謙 監生

葉國良 署正

蔡建侯 附生

方開科 附貢



凡例

一本志修於順治甲午計分十卷爲目五十有奇乾隆  
戊子重修另增學校風俗二卷則爲綱十二爲目七  
十有八今則就其規模分類增補僅於條目加其二  
竝稍易先後次序而已

一星野疆域舊志綦詳惟都里所屬莊村土名略而未  
載今以各村名附列某都之下另刊全境圖悉又補  
入似較周備

一徵輪固有定額然亦因時裁改茲據現行銷冊參以  
全書詳加考訂其倉儲社穀惟照現數登載

松陽縣志

凡例

一學校爲禮樂之原舊載儀文樂章多與部頒不符  
未識何致今皆按序補載惟名  
事公項租穀均照現數補錄之

一建置裡祀所載衙署廟宇隄堰橋梁照舊志備錄無  
遺惟將廢圯未造以及遷改重修附註於下其近年  
增設者另立專條如昭忠祠是已從前宦遊松邑故  
後葬此者於塚墓門附記之俾無湮沒

一風俗土宜足備輶軒之採查舊冊已無滲漏今昔大  
略相同故不敢謬加損益



一舊志僅載官師不列汎弁今皆搜羅補入以示文武相資之義惟歷年太久案據蕩然遺漏諒復不少且宦績可攷者博采輿論備紀之藉伸景仰

一人物已見舊志者概不刪除百餘年山川鍾毓詎不繼起之人然須公論允符方始登載至若殉難紳貞節婦女實繁有徒亦難徧加贊美茲惟各從其大書姓氏以昭覈實

一兵制近有裁併自應恪遵新章分別添註惟右階向繫於武功寇警附見於紀事松邑曾遭兵燹亦有可登然皆本諸公評未敢逞其臆說

一藝文最易濫收除舊志所錄仍予補刊外近今縱多著作必擇其有關掌故者略登一二餘皆屏而未存一是編於甲戌六月開辦至乙亥三月工竣而籌捐經費幾及兩年茲幸告成若皮版不謹難免虫鼠剝蝕之虞爰置木箱六隻藏版于中封存庫內仍當列入交代遞任接收以垂久焉



松陽縣志目次

卷之一

輿地志

分野

沿革

疆域

形勝

山川

古蹟

坑冶

卷之二

賦役志

都里

戶口

田糧

賑恤

賦稅

積穀

卷之三

松陽縣志

目次

學校志

聖訓

書目

學宮

位次

陳設

禮儀

名宦

鄉賢

書院

學田

鄉飲

賓興

卷之四

建置志

城池

衙署

舖舍

廟宇

壇壝

市井

坊塔

橋渡

塘堰

寺觀

塚墓

卷之五



風俗志

習尚

禮制

歲時

物產

卷之六

禮祀志

文廟

武廟

壇祀

祠廟

卷之七

官秩志

秩統

職官

政績

卷之八

選舉志

松陽縣志

目次

二

進士

舉人

徵辟

貢生

職員

監生

武科

仕宦

封蔭

卷之九

人物志

理學

忠義

廉正

宦蹟

孝友

篤行

文學

尚義

隱逸

藝術

流寓

貞節

卷之十

兵制志

兵防

武功

紀事



卷之十一

藝文志

碑文

記

序

書目

銘

賦

詩

卷之十二

雜事志

祥異

靈異

仙釋




松陽縣志天文丑分牛宿圖

右旗


河鼓



天雞



天淵




松陽縣志

圖

天符



牛宿



左旗

天田

九攻





松陽縣沿革表

虞夏

夏

禹貢揚州之

揚州之城

周

初屬揚州春秋時屬越戰國屬楚

秦

始皇平百越分天下為三十六郡屬閩中郡

西漢

初從諸侯三年立越王之後搖為東海王屬東甌元武帝黃龍徙泉海王於淮以地為同浦縣屬會稽郡

東漢

光武時改安縣順帝為置永甯縣獻帝置松陽郡

三國

吳赤烏二年以永甯

晉

太甯元年又改臨海為永

隋

開皇九年廢臨海永嘉二

松陽縣志

一

二

為羅陽縣太平二年以會稽東郡為臨海郡

甯郡大康元年又復永嘉郡

郡分松陽東鄉地置石蒼縣

唐

武德中以松陽為松州八年廢州改為縣景雲二年割松陽以西地置遂昌縣乾元二年又割松陽以南

五代

唐末吳越王錢鏐改為長松縣晉天福四年歲旱縣令陳時祈雨於百仞山白龍見收為白龍縣

宋

分天下為十路以縉雲郡為處州路屬浙東道咸平二年復為松陽縣隸處州府



地置龍泉縣

元  
改處州路為  
總管府屬浙  
東道松陽縣  
隸總管府

明  
改總管府為  
處州府隸浙  
江布政使司  
仍屬浙東道  
松陽縣隸處  
州府

國朝  
松陽縣隸處  
州府

松陽縣志

圖

三







松陽縣境圖

松陽縣志

圖

四



松陽縣志

縣城




松陽縣志

由縣達府之圖

圖

五






松陽縣志

一百三十里

由縣達省之圖

圖

六



松陽縣 總舖

慶元縣

遂昌縣

龍泉縣

雲和縣

景甯縣

紹興府

甯波府

台州府

金華府

温州府

浙江布政司  
杭州府

富陽

松陽

永康

本縣在浙江布政司管轄之內





松陽縣志

由縣達京之圖

圖

嘉興府

湖州府

嚴州府

衢州府

處州府

盛京

京師  
順天府

山東府

江甯府

浙江杭州府

福建福州府

東昌府

徐州

揚州府

淮安府

鎮江府

沂州府

濰州府

莒州府

嚴州府

金華府

處州府

松陽縣

一千三十五里

龍游

遂昌

松陽

縉雲

蘭溪



松陽縣志

至京師四百八十里

圖

入






松陽縣志  
卷之九  
地理志  
松陽縣志

松陽縣志

圖

九







美人香繞羅浮夢處  
 士吟成踈影詩莫道  
 空山多寂：春風先  
 透最高枝

松陽縣志  
 卷之十  
 圖



塔溪綠漲園


松陽縣志

圖

十一







一為喜水碧於油  
 雨洗遙山黛欲浮  
 小艇移來芳艸岸  
 蘭橈微動不驚鷗






郵亭遠眺圖

松陽縣志

圖

三







春風足馬到郵亭花  
 靨會繡柳眼青極目  
 郊原無限景鶯啼又  
 過小漁汀






柳池魚躍圖


松陽縣志

圖

五







幾條弱柳嫩於絲  
 金縷依映玉池悟  
 到天機活潑處任他  
 魚樂我安知






雲巖石屋圖


松陽縣志

圖

卷







懸崖恰似白雲堆石  
 屋帷宜薜荔栽坐久  
 絕無塵俗韻松花時  
 點壁間苔





百仞雲峯圖


松陽縣志

圖

九








峯高百仞接蒼雲觸  
 石遷疑湧夏雲樹影  
 參差空際現嵐煙數  
 點微氤氳








凌霄嵐翠園






層臺高峙碧芙蓉環  
 繞雲山積翠濃城  
 米顛題石處何如袖  
 裏第三峯








望松菴月園





松台遠出玉壺峰  
 洞步在舟一逸興  
 雅雅成門苗字影  
 暮年可似老年  
 書






石筍僊踪圖

松陽縣志

圖

三







名題赤壁俯溪流可  
 有坡僊記舊遊和曲  
 洞簫人在否水光山  
 色自悠々






雙童積雪圖


松陽縣志

圖

三







柳絮梨花一夜吹  
 空鴉啼宿宿林枝  
 雙童元坐談經處  
 笑爾功深雪映帷





松陽縣志卷之一

輿地志

分野 山川

沿革 古蹟

疆域 坑冶

形勝

昔禹平水土肇九州以宅四隩疆土既畫而分野之星次以詳周官司空掌邦事居四民時地利蓋以地之所載凡夫廣穀大川財用于是乎生衣食于是乎出政不徒以幽壑靈巖供登覽游泳而已也松邑羣山環繞澗水潑紆物曲土宜各有攸利察其平陂高下辨其燥濕剛柔于焉物以阜民以安胥在是矣志

輿地

分野

松陽縣志

卷之一

輿地

府志載疆域之有分野以疆土莫麗上與列宿相應所以察災祥稽氛祲也前漢地理志吳地斗分野即今之會稽等郡則處雖偏隅孰非天之垂象乎

隋書地理志於辰在丑吳越之分野

府志載按天文斗次星紀

舊志載晉天文志自斗十二度至須女七度為星紀

宋史天文志南星魁也北星杓也石申曰魁第一星主

吳二星主會稽松會稽之支邑也

史記天官書吳之疆侯在熒惑占於烏衡熒惑烏衡南方星也觀斗魁之躔度則邑之休徵咎徵可覘矣



崇正處州府志處州古括蒼地于天文屬揚州斗分爲  
牛女之次上直少微星應處士

舊志載按天文星紀在丑而吳越揚州應之松次吳越  
乃揚州域也揚州上應星紀祥繫斗牛

沿革

禹貢揚州域春秋屬越戰國屬楚

秦始皇五年滅楚以其地屬閩中郡

漢初從諸侯滅秦又佐漢擊楚孝惠三年立越王之後  
瑤爲東海王屬東甌國武帝黃龍元年伐東甌以其  
地爲洄浦縣屬會稽郡

松陽縣志

卷之一 輿地

二

東漢爲章安縣南鄉地獻帝建安八年分置松陽縣  
三國吳太平二年以會稽東郡爲臨海郡松陽屬臨海  
郡

晉太甯元年分臨海爲永甯郡太康元年爲永嘉郡松  
陽屬永嘉郡

隋開皇八年廢臨海永嘉兩郡爲縣又分松陽之東鄉  
地置括蒼縣九年合括蒼松陽臨海永嘉四縣爲處  
州尋改爲括州松陽仍屬之

唐改括州爲縉雲郡以臨海縣置台州永嘉縣置温州  
改括蒼縣爲麗水縣陞松陽縣爲松州武德八年廢



松州復爲縣景雲二年刺史孔琮復奏括州爲處州  
分松陽以西地置遂昌縣乾元二年分松陽以南地  
置龍泉縣

五代梁開平四年吳越王錢鏐改爲長松縣晉天福四  
年歲旱縣令陳時祈雨於百仞山白龍見以聞於吳  
越王元瓘改爲白龍縣

宋咸平二年郡守楊億請復爲松陽縣隸處州路屬浙  
東道

元改處州路爲總管府屬浙東道松陽縣仍隸之

明改總管府爲處州府隸浙江布政使司仍屬浙東道

松陽縣志

卷之一 輿地

三

松陽縣隸處州府

國朝因之仍屬處州府

疆域

東界距西界一百九十里

南界距北界一百三十里

東南界距西北界一百一十里

東北界距西南界一百四十里

由城東至堰頭界止七十五里

堰頭下卽麗水界距麗水縣一百三十里

由城西至龍虎均界止一百七十里

龍虎均下卽龍泉界距龍泉縣二百

四十里



由城南至石子嶺下界止七十五里

下即雲和界距雲和縣一百三十里

由城北至平田界止三十里

平田下即宣平界距宣平縣六十里

由城東南至麗水縣一百三十里

由城東北至宣平縣一百一十里

由城西南至龍泉縣一百九十里

由城西北至遂昌縣六十里

由縣至處州府一百三十里

由縣至浙江省一千三十五里

由縣至

京師四千五百八十里

松陽縣志

卷之一

輿地

四

形勝

府志載松陽在郡西上游境內平衍寬廣西北以赤溪

竹崙為肩鑰東南以素頭南嶺為藩籬

舊志云馬峯屹立牛嶺紆迴東則萬派分流以入於海

西則千溪共滙以入於江懸巖巨壑卓阜崇岡翠酌

稱雄白峯聳秀層巒綿亘望中開百里之郊原衆市

迴環幅裡聯萬家之雞犬

舊志載宣慈後峙劍水前深麗澤左紆平昌右據

舊志云廣谷八川足徵靈淑名山偉澤壯觀東南

府志載古松陽縣治在今縣治西二十里舊市唐貞元



間始徙于今治舊縣址至今猶存舊市其間居民稠  
密尤爲一邑之勝

附邑十景 詩 藝

松邑地多名勝如卯山蓉川南巖蓮華諸山水其間  
古蹟佳境指不勝屈今第節其近城者爲附邑十景  
既便於遊覽而瞻眺之際亦足以少見一斑云

梅墩春色

塔溪綠漲

郵亭遠眺

柳池魚躍

雲巖石屋

凌霄嵐翠

百仞雲峯

望松夜月

松陽縣志

卷之一

輿地

五

石筍仙踪

雙童積雪

山川

舊志云松之山川自天姥中攢則爲箬簩山爲龍鳳山  
爲百聖山穩坑之水出焉分而爲香乳山玉巖山左  
右二流出焉曾爲夏川龍鳳山蜿蜒百疊爲風門山  
中爲南岱山其極高處爲望祀山又折而爲亞岱山  
其上出霏溪又上水出橫溪源中爲留名山南岱水  
出其右亞岱水繞其左左右合流爲中澳川出白龍  
津穩坑水出平昌龍風峽過平昌侵雲嶺東轉爲長  
松山右水出宜慈左水爲平昌大溪長松山下出水



爲梧桐源與大溪合東行一百二十里與宣慈水合於石牛長松山中上爲馬鞍山石罌山下爲蔡尖山爲鍾門山爲北斗山爲卯山爲酉山蔡尖山水爲湖溪出石龜山崙山爲崙溪源至河雲橋崙山之東爲封壽山下爲邵尖山水至婺橋出石笏山與白龍堰合流邵尖山左自七星巖澹竹寨山曲折而南爲馬鞍山山下衆水合出於廻龍橋至青蒙山石虎潭風門山諸水由九芝山出大竹溪夏川諸水出大陰山石倉山爲宏溪白龍津之水積於百仞山下匯於鐘潭自青蒙山與橫山合左水出裕溪右水出小檀溪

又左水出五赤溪右水出南坑此松邑山川之大凡也

舊志所載松邑山水大凡如此今節其繁複登之以備稽考至各山川名勝仍分類詳載以便觀覽

山

古洞山 在縣西南二百里高九千餘丈山自西南五嶺而來至此將入括松界中有龍淵

天姥山 在縣西南四十里高二百餘丈其中烟雲五色洞壑幽深中有石佛石鼎石牛石馬背之上更有百鳥百獸跡昔有道人結屋修煉于此因闢泉道人



鑿石得之至今不竭

箬簞山 在縣西南一百四十里高五六千丈上出鑽

冶嘉靖間封閉

龍鳳山 在縣西一百里高五千丈形勝盤繞甲於一邑真名山也

百聖山 在縣西南一百里高四千丈水出穩坑山多

靈應人皆祈禱

太平田山 在縣西八十里十三都周安里山高五千丈山頂平坦有田十數畝山勢盤曲林木森翠

全象山 在縣西八十里十三都周安里山高四千丈

松陽縣志

卷之一

輿地

七

中有阿如盤廣可十畝喬木森列澗水潺潺幽勝為最

高翠山 在縣西七十里十二都山高九千丈層巒疊

嶂陟其巔可覽一邑之勝松陽諸山之極高者

香乳山 在縣西一百里高三千丈昔章思廉修煉于

此常鑿石穴納磁甕於中巨腹斂口若生成然人皆

異之

詩載藝文

玉巖山 在縣西南一百里高五千丈中有石巖如屋

可容百餘人下有多福寺

天馬山 在十三都斗潭離縣西九十里高五千丈



風門山 在縣西五十里高五千餘丈爲西南諸山之

會雲氣出入處也山之均爲茶繁嶺詩載藝文

南岱山 在縣西南四十里高五千餘丈

望祀山 在縣西南四十里高六千丈時有雲氣出沒

其間云古柴望處也故名

亞岱山 又名玉華山在縣西三十里高三千丈陰有

赤巖其下有徐氏族居之左水出霏溪右出東關唐

時建雲居寺

留名山 在縣西南二十里高三千丈山多勝境嘗有

神人頭戴火炬出沒隱現于此相傳云可以卜陰晴

松陽縣志

卷之一

輿地

八

鄉人立廟祀之中有天柱峯太乙峯青蓮峯桃源洞

簑衣潭水花洲息柯石棲鶯亭唐時進士毛雲龍遇

戴火僊於此詩記並載藝文

皮雀步山 在縣西一十五里

龍華山 在縣南一十五里大竹溪上數峯聯綴宛若

蓮花有僧雲空苦行焚修足不下山新搆一庵即名

蓮花庵詩載藝文

塵容山 在縣西二十五里

牛頭山 卽長松山舊名風牛山在縣西北四十五里

登其巔可以遠眺處娶上有龍潭旁有九雲峯葉法



善解化于此

西馬鞍山 在縣西五十里

石罌山 又名石杖峯在縣西四十里旁無連屬若石罌然

蔡尖山 在縣西二十里水出湖溪

鍾門山 在縣西二十里水出湖溪

北斗山 在縣西二十五里中有斗口前為天罡連屬

若北斗然 詩載 藝文

卯山 在縣西三十里峯巒聳秀怪石如松上有通天

宮點易亭試劍石紫霞館有天師渠前臨清溪即葉

公易縣志

卷之一

輿地

九

法善修真處溪之上有永甯觀中有浴丹池冬夏不

涸山之下有石洞豐去奢修煉於此道成跨白鶴而

去後人因指為白鶴洞 詩載 藝文

酉山 在縣南三十里唐宏道元年建酉山觀亦葉法

善修煉之處 詩載 藝文

赤溪巖山 在縣西三十里

萬壽山 卽晚翠山在縣西四十里有十景曰石蓮屏

曰飛佛洞曰石杖峯曰響石廊曰落霞亭曰五松嶺

曰小釣臺曰放生池曰雙魚灘曰滴玉巖又有德馨

閣金鐘山邑令楊應華題曰雲堆 詩賦並 載藝文



寶蓋山 在縣西三十里望之形若寶蓋昔有道人結屋于此亦修真之勝地也上有廣慈寺下有法昌寺石龜山 在縣西十里高百餘丈其形如旗中有元武像有石如龜

五方山 卽崙山又名靈鷲山在縣西十里中有曰石巖岩有廟宇可容數百人崙溪之水出焉鄭仙姑顯應禱兩立祠祀之

封壽山 又名師公山在縣西七里昔有道人結庵于上

邵山 尖山 玉旦山 在縣北二十里卽今縣治之

鎮山也三峯聯合狀若筆架下有頂平庵宅中有巖洞深廣數千尺昔有主簿避亂于此名主簿岩正等

寺麗陽行祠東嶽行宮俱在其下

詩載藝文

望松山 在縣西二里下有逍遙觀上有東臯亭側有王將軍墓廟或謂王右軍嘗來此望松故名

詩載藝文

西屏山 在縣西一里其山壁立如屏山頂平曠數百步崇米元章書凌霄臺于石壁間上有白鶴廟偃月

池龍鱗石下有治平寺天王廟真元道院

詩載藝文

石筍山 在縣西五里雙峯對峙石磴千尋峭拔如筍下臨大溪石壁中有仙人赤腳跡人愛其勝多泛舟



遊之宋狀元黃公度嘗翫此刻其石曰小赤壁又有  
小峨嵋小桃源在其中

詩記並  
載藝文

上方山 在縣西五里唐進士毛雲龍煉丹于此泉出  
岩中大旱不竭相傳爲煉丹泉中有福安寺前有見  
山亭行六七十步有羣山亭梅花墩垂石岩明月臺  
山之頂有凌風臺西望臺今俱廢焉宋狀元沈晦曾  
居此有上方山居詩

記詩並  
載藝文

雲龍山 在縣西五里下有延慶寺梁時建大浮屠葬  
舍利于此

澹竹寨山 在縣東北三十里高四十餘丈正統末鄉

松陽縣志

卷之一

輿地

十一

人避難于此

洞陽觀山 離縣八里高一百丈山多靈異上有葉真人  
祠西至籐崗朱山甘露堂淨嚴寺淨梵寺景福觀  
太極陽明道院陳夫人廟三溪橋洞陽橋仁壽橋俱  
在焉

青雲山 卽青蒙山在縣東十里溪有石虎石印上有  
慈雲庵青雲塔源有玉泉寺

詩載  
藝文

東馬鞍山 在縣東四十八里狀若馬鞍中有石龕昔  
有僧人禪化于此屢顯靈異後失其名常見其身衣  
紫衣俗呼爲紫衣大德仙塑像立廟有袈衣潭大龍



湫小龍湫龍岩洞遇旱祈禱每有應焉

壘崆山 在縣東四十里高四千餘丈山形峭拔上有古廟龍湫深不可測蛟龍居焉能興雲雨雖盛夏亦如深秋歲旱禱之多應

九芝山 在縣西南十五里自留名山視之宛如靈芝山凡八座若九芝昔有道人張景潛結屋隱居于此下有覺宗寺淨信寺龍石橋比翼洞前有東華山小竹溪三台山二水俱入至安仁畝百仞山上與大竹溪合鄉曰九芝

五菩山 在縣南四十里

松陽縣志

卷之一

輿地

七

蛤湖山 在縣南四十里下有蟾湖深三十丈水口有石如印名曰印山結庵于上下有民居輟集詩載向藝文出銀冶當時患之今久封閉

燕山 卽燕田嶺在縣西南五十里陽有蟾湖背挹龍泉

小蘇山 在縣西南八十里舊出銀冶今寒

大陰山 在縣南三十八里水自宏口出釣魚嶺下與大溪合

蓮華山 在縣南六十里西入松陽東連雲和高五千餘丈俗名牛頭八面山昔有道人結屋其上側有八



僊洞大龍井下有釣魚橋飯甌龔七尖山

有道觀山 在縣南十里後有叢石如林或云八仙聚

會中有小桃源桃核洞臥雲岩浴丹井宋乾德間建

有道觀及東琳宮元至正間應彭齡修道於此

詩載藝文

百仞山 在縣西南三里其山孤峙旁無連續故名獨

山又曰蜀峯唐天寶中量日影有百仞更名曰百仞

山山之巔昔有趙初賜祀太乙於此遺址在焉正統

間里人何子彰築塞門鑿井曰預言有變至次年宣

平寇發鄉人賴之天福三年建大慈寺於山麓有潛

齋毛輝書院址側有蟾峯閣廣福院久廢東有龍母

廟五代時知縣陳時禱雨有白龍見大雨隨至縣上

其事廟曰瑞見夫人廟改縣為白龍縣山堰亦因而

名之下有白龍潭淨因寺其堰自山足引入耆德門

至河橋徐村澄川橫山與青蒙石虎潭合溉田五十

餘頃

記詩並載藝文

白雲山 在縣南十里昔有遊僧結庵于上晝夜不火

食唯誦經飲泉三年坐化前有雙石聳轟高二百丈

頂有石橋橫渡旁有碧桃二株或三年一花下有石

洞相傳昔有僧人曾秉燭而遊西有鷺脰寨即天馬

山也其勝特甚

記詩並載藝文



橫山 在縣南十里高三百丈狀若橫雲山頂有白鶴  
廟石棋盤寬平五百畝正統間鄉人築寨避亂于此  
後寨破有婦不受辱投岩而死又名爲烈婦岩東曰  
橫山西曰澄川左右居民輳集下有明覺寺天井岩  
其水出自黃坑源橫溪之水出自蛤湖俱會于釣魚  
嶺下而入大溪 詩載  
藝文  
玉蓮山 在縣東十五里下有潭名曰鐘潭潭有巨石  
如覆鐘中可容百餘人前有石檻後有亭臺亦松之  
勝地也

南洲山 在縣東三十里下有福安寺前有第一峯下

松陽縣志

卷之一

輿地

十四

有石馬山象溪山宋王寬菴與朱晦菴論辨于此信

宿而去 詩載  
藝文

小槎山 在縣東五十里前有槎溪深可百丈溪上有

橋曰裕溪橋 詩載  
藝文

蓮花山 在縣東六十里一名堰首西入松陽東至麗

水松陽龍泉之水俱會于此上有延昌寺香山寺報

恩寺

朱尖山 在縣東六十里高五千丈東有香乳亭西有

崇覺寺其山東至麗水西入松陽山下之水出馬村

與宣平水合

詩載  
藝文



周嶺山 在縣西南四十五里高千餘丈下有二桑坳

唐葛周廟祈雨靈應立祠祀焉詩載藝文

望市山 在縣北二十五里水出霏溪有金梁堰元達

魯花亦買住建

雲臺山 在縣西南六十里高數百丈水出季溪

紫金山 在縣西四里舊有菴頗稱絢麗為邑人游息

之所後地菴旁有程氏之墓

太平山 在縣西南二十五里梧桐源之水出焉下有

梧桐橋

鳳凰山 在縣西北五里

松陽縣志

卷之一

輿地

七

爛泥山 在縣西五十里有金鐘洞主廟岩壑幽邃水

出上橫溪頂有平湖廣數十畝山下有龍潭祈雨輒

應

籠瑞山 在縣西三十五里高百餘丈

雲巖 在縣西三里高百餘丈峯巒峻聳林木秀美為

一邑之勝有龍岩石上下石洞深廣十丈複道橫空

下懸飛瀑循石磴而上有二小亭可以遠眺昔有道

士潘自然建雷院于此前有石穴如釜其泉冬夏不

涸傳曰丹泉詩載藝文

七星巖 在縣東北二十里下有北巖寺桐溪之水亦



出于此

南巖 在縣西南十里高七八百丈幽勝甲于一邑半

山有亭唐會昌間建普濟院妙高閣側有石僧岩蓮

華洞中有湧泉石其形如釜泉白下升四時不竭亦

不濫瀉前有二穴泉水清滌冬夏常流名曰馬蹄泉

東有抱膝亭又名大觀亭可以眺遠亭右一石孤聳

高十餘丈張卽之題曰小峨嵋

詩載藝文

赤溪巖 又名金鐘山在縣西四十里俯臨赤溪石洞

幽邃深八九丈廣十餘丈中有諸佛像上有界首山

路通遂昌舊有窑冶久廢

松陽縣志

卷之一

輿地

六

蓮華峯 在縣東四十里高七千餘丈秀異雄偉形若

蓮華中有金山庵下有資聖寺天井巖風門洞一名

蓉川學士王常齋長史包雨庵世居其下水出淨居

口與大溪合

詩載藝文

僊人峯 在縣東南五十里其山自龍泉迤邐而來至

石倉源中一峯高數百丈頂寬平百餘畝土色光潤

草木不生石如幾案相傳有仙人奕棋于此名爲僊

人峯南嶺謝朓之上方山半爲雲和縣界

白峯尖 在縣南二十里高八千餘丈雄偉正立爲邑

之朝對



雙童峯 在縣南二十里名曰二童講書左有狀元峯  
右有三台峯玉屏峯天馬峯羅列巒秀為縣治之名  
山

竹峪嶺 在縣北三十里山高四千餘丈北通宣平足  
稱扼塞泉出山頂下瀦為巨潭可溉田百餘頃宋大

觀間縣丞李察遇旱禱之應乃立廟祀焉 詩載 藝文

石佛嶺 在縣東二十里高數百丈前有巨岩如佛故

名石佛嶺下有普陀庵白檀嶺白鶴嶺 詩載 藝文 白石佛

嶺至堰頭庄為由縣至府通衢石磴崎嶇殊艱行旅

于乾隆三十三年知縣曹立身捐俸修砌平坦行者

松陽縣志

卷之一

輿地

七

便之

續十三都山景志畧

邑令 曹立身

查松邑層巒聳翠名山勝地已畧照舊乘叙刊今緣

十三都地偏路遠人踪罕到舊志因為漏載余承乏

茲邑間或因公過往歷崇峯之疊嶂諒必有名勝幽

棲堪憑譜入者現據邑人吳國政等指名即景稟請

余恐山靈笑人寂寂也應即逐一附刊以備將來探

幽探風者之摘擇焉

蘆塘山 在十三都支木東去縣西九十里高三千餘

丈巔有池廣三畝許清可見底池環松檜月夜波光



林影掩映激射最爲清幽之景都人何君澤建亭其

上顏曰金波夜月

詩載  
藝文

彈子山 在十三都支木西去縣西九十里高千餘丈

小石堯堯宛如彈子雲嶺險仄斜出山椒蒼松一帶

夾道遙通香乳山地最幽勝人多避暑於此

詩載  
藝文

茶藜山 在十三都去縣西七十里高十里許中通一

徑左過龍泉右歸城邑崇山峻嶺下矚如天塹山半

構亭一笠爲行人憇息之所年久廢圯里人何君澤

復建顏曰半山亭

詩載  
藝文

龍虎隘 在十三都高亭去縣西一百三十里高二千

松陽縣志

卷之一

輿地

六

丈有奇山半爲龍虎坳東至龍泉界兩山對峙中通

一幾倚山設險鳥雀不通誠松邑西界之鎖鑰也

金鍾山 在十三都高亭去縣西二十里形如鍾覆上

有七寶廟左爲集善堂奉大士像祈禱輒應

卓峯山 在十三都山甫去縣西五十里澗水合流處

陡一峯高二千五百丈形勢屹崿崿蒼茫兼巫峽翻川

之勝實爲名區下有橋界之

詩載  
藝文

監泥山 在十三都周安去縣西八十里金鍾洞主

廟下有龍湫歲旱祈雨輒應

川



蓉川 在縣東五十里中有安樂橋水出淨居源

小槎川 在縣東四十五里

中澳川 在縣西十五里水繞危庵山至白龍津

舉諸川 在縣東七十里

桐溪水 在縣東十里

嶺下水 在縣北二十里水出東西坑瀦爲龍潭有竹

客橋仙掌石有龍王廟宋大觀間縣丞李察禱雨有

應建祀

白龍津 在縣西南三里有浮橋後廢續有二渡一成

化間邑人跋田建一嘉靖間邑人潘尙英建

公陽縣志

卷之一

輿地

九

烏石潭 在縣東十里水從桐溪東流滙此有烏石渡

迴龍橋隆慶六年知縣楊維新重建

斗潭 在縣西南七十里

鐘潭 在縣東十二里玉蓮山下

洪口潭 在縣東二十里

石筍潭 在縣西五里

箕衣潭 一在縣西南二十里留名山中一在縣東四

十八里東馬鞍山共二處凡祈雨皆應

堰首潭 在縣東六十里有堰首渡

石虎潭 在縣東十五里



局口潭

樟樹灘 在縣東二十五里下有渡過呂潭

五赤源 在縣東二十五里五赤溪之水出此有義渡

橋舊名曰五赤橋宏治間邑人詹守之建隆慶六年

橋圯知縣楊維新重建

穩坑 在縣南九十里

南坑 在縣東四十里

崙溪 在縣西十里靈鷲山下

梓溪 在縣西十里會竹客水入石筍潭有崙溪中川

平濟三橋

松陽縣志

卷之一

輿地

三

湖溪 在縣西北十五里水從北斗山出有五福橋松

江橋又有仁濟橋隆慶六年知縣楊維新重建

裕溪 在縣東五十里水出黃家田有裕溪橋萬曆六

年知縣羅應兆建麗水何鐘記

蛤湖溪 在縣南四十里

霏溪 在縣西二十五里有金梁堰

赤塔溪 在縣南三里有木橋又有渡嘉靖間邑人何

智跋田看守

清溪 在縣北二十里卯山前

大竹溪 在縣南十里民居輳集



小竹溪 在縣南二十里有龍石橋濟衆橋

青鳥口溪 在縣南三里有木橋

橫溪 在縣南三十五里

塘溪 在縣東十里

松陰溪 在縣西三十五里上有界首橋及渡下有觀

口上下二橋及觀口渡金梁渡有響巖橋至堰首會

龍泉水經郡城至青田入于海

古蹟

舊市 在縣西二十里古松陽縣治故址猶存故名舊

治今日舊市音之訛也唐貞元間始徙今治至今舊

市居民稠密甲於一邑

明善書院 故址在舊市宋淳熙九年朱文公爲浙東

常平使者行部至此講道咸淳間邑人葉再遇請建

書院以祠文公元至元二十一年前太學進士蕭子

登復興之元末廢弛惟存大成殿舊有御書樓擇禮

館萬壽亭今並廢

奎文坊 在縣學內今廢

青雲坊 在縣學內今廢

巡司舊址 昔有布和上下鄉巡司基址在舊市今並

廢



信美堂 在縣署內久廢

懸魚軒 在縣署後堂邑令佟慶年建

手詔亭 在縣署儀門內今廢

種秫亭 在縣宅今廢

衆芳亭 在縣署內今廢

樂意亭 在縣署內今廢

東臯亭 舊在望松山上

棲鸞亭 舊在留名山上

放生亭 在縣南一里大溪傍今廢

點易亭 在卯山上前臨清溪唐元宗爲葉法善撰步

公陽縣志

卷之一

輿地

虛詞曰清溪道士人不識上天下天鶴一隻洞門深  
鎖碧窻寒滴露研硃點周易

抱膝亭 在南巖之北又名爲大觀亭可以眺遠基址

尙存

蟾峯閣 在百仞山今廢

烈婦巖 在橫山正統末鄉人於此築寨避寇後寨破

婦女盡投巖死故名

凌霄臺 在西屏山宋米元章書於石壁又邑人葉永

華刻樵雲煮石四字於其上

同治元年歲十三年僧  
靈海募建詩載藝文

天師渠 在卯山之側嘗有老叟詣葉法善門號泣求



救而言曰某東海龍也上帝勅主入海之寶有僧暹其幻法於海畔晝夜禁咒積三十年其法將驗海水如雲卷海將涸焉鎮海之寶必為所取哀告求援法善許之遂以丹符飛往海水如舊僧即赴海死明日老叟以奇寶謝法善不受因曰此峯去水甚遠但得一泉即為惠也且日風雨大作及曉山側有泉迸出經旱不竭

偃月池 在西屏山 記詩並載藝文

浴丹池 在卯山冬夏不涸宋熙豐間忽涸有李伯鎮者得道士也題詩云靈巖何不迸寒泉料得神龍欠

松陽縣志 卷之一 輿地 三

着藪真道今無煉丹手焉知來者不如前泉隨湧出

馬蹄泉 在南巖山側泉水潑碧冬夏常流

浴丹泉 在有道觀山中

煉丹泉 在上方山唐進士毛雲龍于此煉丹泉出巖

中大旱不涸 詩載藝文

湧泉石 在南巖山之西石形如釜泉自下而升四時

不涸

試劍石 在卯山上

息柯石 在留名山

仙掌石 在竹客橋



石棋盤 在橫山頂

梅花墩 在上方山中 詩載 藝文

小赤壁 在石筍山石壁中有仙人赤腳跡宋狀元黃

公度刻其石曰小赤壁

鸚鵡塚 卽貞女張玉娘墓在縣西南一里 有傳詩 載藝文

坑冶

按舊志坑冶名

南平剛坑 新坑 蛤湖 槐木崗 馬鞍山

白壇 橫獎 東山 黃坑 大小茗 大小蘆

葉明 橫巖 神堂 以上 產銀 連繩 深鑄 錢蔘

松陽縣志

卷之一

輿地

三

雙坑 宜坑 李斜 以上 產銅 壓石 墨源 李黃 以上

產鉛 並久廢

以上坑冶舊志內有地名不同者具載于後以備稽考

舊卷所載產銀產鉛坑七處今俱不產冶鑿廢

黃坑 小蘆 小茗 橫巖 葉明 古桶

神堂大尖下

舊志坑冶地名不同者三十一處並久廢

大蔬 大心 章勝 尖山 石塘 牙坑 鵝腸

井山 粗 羊塞 捲藤 東山 新坑 惡坑



石柱 太岸 丁街 磁坑 際兒頭 桑園頭  
大茆竹 小茆竹 踏步下 菜子浜 匡田  
陳高灣 白交廬 茶磨巖 烏蒲壇 吳巖  
銅郎

舊志云元至大四年提舉司用工起廢卒無成功尋  
罷其役